



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 05-1-
Sarajevo,

30-3-6319-1/22
26-11-2023

Na osnovu člana 247. stav (1) i člana 255. Zakona o upravnom postupku ("Službene novine Federacije BiH", broj 2/98, 48/99 i 61/22), člana 15., člana 70. stav 1. tačka 11. i člana 71. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", broj: 49/05 i 103/21), člana 58. Zakona o penzijskom i invalidskom osiguranju („Službene novine Federacije BiH, broj: 13/18, 90/21 i 19/22), člana 33. Zakona o plaćama i naknadama u organima vlasti Kantona Sarajevo („Službene novine Kantona Sarajevo“, broj: 5/19), člana 77. Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo" broj: 30/22) i člana 21. Pravilnika o plaćama i naknadama državnih službenika i namještenika Ministarstva unutrašnjih poslova Kantona Sarajevo i Uprave policije Ministarstva unutrašnjih poslova Kantona Sarajevo („Službene novine Kantona Sarajevo“ broj: 4/22, 8/22, 21/22 i 46/22), ministar Ministarstva unutrašnjih poslova Kantona Sarajevo, **donosi**

RJEŠENJE

1. Poništava se rješenje Ministarstva unutrašnjih poslova Kantona Sarajevo broj: 05-1-30-3-6319 od 04.11.2022. godine.

2. **SPAHIĆ ŠEVALI, JMB**, rođenoj u mjestu općina Ilijaš, namješteniku Ministarstva unutrašnjih poslova Kantona Sarajevo, raspoređenoj na radno mjesto: Pomoćni radnik za održavanje čistoće Uprave za građanska stanja i pravne poslove, kod koje postoji i kategorija invalidnosti, prestaje radni odnos sa danom **24.01.2023. godine**, zbog priznatog prava na invalidsku penziju.

3. Imenovana će sa danom donošenja ovog rješenja biti razdužena od predmeta, sredstava i opreme sa kojima je zadužena.

4. Po konačnosti ovog rješenja imenovanoj će biti isplaćena otpremnina u visini njenih pet ostvarenih prosječnih neto plaća isplaćenih u prethodnih pet mjeseci.

Obrazloženje

Spahić Ševali namješteniku ovog Ministarstva raspoređenoj na radno mjesto: Pomoćni radnik za održavanje čistoće Uprave za građanska stanja i pravne poslove, konačnom odlukom nadležnog organa utvrđeno postojanje sigurnosne smetnje za pristup tajnim podacim stepena „POVJERLJIVO“.



Adresa: Sarajevo, La Benevolencije 16
Tel: + 387 (0)33 286-701, 286-702,
Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

Nakon provedenog postupka prekobrojnosti u skladu sa Zakonom o namještenicima u organima državne službe u Federaciji Bosne i Hercegovine, rješenjem ovog Ministarstva broj: 05-1-30-3-6319 od 04.11.2022. godine odlučeno je da imenovanoj prestane radni odnos kao prekobrojnom namješteniku, na koje je ista izjavila žalbu Odboru državne službe za žalbe FBiH.

U toku žalbenog postupka ovom Ministarstvu je dostavljeno rješenje Federalnog zavoda za penzijsko/mirovinsko i invalidsko osiguranje, Kantonalna administrativna služba za Kanton Sarajevo, od 26.12.2022. godine, pravosnažno i izvršno sa danom 24.01.2023. godine, kojim se Spahić Ševali, kod koje postoji I kategorija invalidnosti priznaje pravo na invalidsku penziju počev od 09.12.2022. godine, a o visini penzije i početku isplate odlučit će se nakon prestanka osiguranja posebnim rješenjem. Dalje u rješenju se navodi da je postupak za ostvarivanje prava po osnovu invalidnosti pokrenut po zahtjevu imenovane dana 04.11.2022. godine u skladu sa odredbama Zakona o penzijskom i invalidskom osiguranju, te je u provedenom postupku nakon izvedenih dokaza i njihove ocjene utvrđeno sljedeće: da je imenovana rođena 1959. godine, da je nalazom, ocjenom i mišljenjem Instituta za medicinsko vještačenje zdravstvenog stanja- Odjeljenje za provostepeni postupak Sarajevo, od 09.12.2022. godine, utvrđeno da kod imenovane postoji gubitak radne sposobnosti – I kategorija invalidnosti počev od 09.12.2022 godine, da je uzrok invalidnosti bolest, da na dan utvrđene I kategorije invalidnosti imenovana ima 63 godina života i da penzijski staž pokriva 1/3 radnog vijeka.

Obzirom na naprijed navedeno imenovana je dana 06.01.2023. godine Odboru državne službe za žalbe FBiH dostavila pismenu izjavu kojom odustaje od žalbe izjavljene protiv rješenja Ministarstva unutrašnjih poslova Kantona Sarajevo broj: 05-1-30-3-6319 od 04.11.2022. godine i na osnovu koje je pomenuti Odbor donio Zaključak o obustavi postupka po žalbi od 11.01.2023. godine.

U skladu sa članom 70. stav 1. tačka 11. Zakona o namještenicima u organima državne službe u Federaciji Bosne i Hercegovine, namješteniku prestaje radni odnos u organu državne službe kada nadležni organ penzijskog-invalidskog osiguranja utvrdi da je trajno i potpuno nesposoban za rad – na dan kada akt o trajnoj nesposobnosti postane konačan. Aktom Federalnog zavoda za penzijsko/mirovinsko i invalidsko osiguranje, Kantonalna administrativna služba za Kanton Sarajevo od 30.01.2023. godine dostavljeno je rješenje od 26.12.2022. godine ovjereno sa klauzulom pravosnažnosti i izvršnosti na dan 24.01.2023. godine.

Na osnovu izloženog, primjenom člana 247. stav (1) i člana 255. Zakona o upravnom postupku, člana 15., 16., 70. stav 1. tačka 11. i člana 71. Zakona o namještenicima u organima državne službe u Federaciji Bosne i Hercegovine, člana 58. Zakona o penzijskom i invalidskom osiguranju, člana 33. Zakona o plaćama i naknadama u organima vlasti Kantona Sarajevo, člana 77. Kolektivnog ugovora za državne službenike i namještenike u organima državne službe Kantona Sarajevo i člana 21. Pravilnika o plaćama i naknadama državnih službenika i namještenika Ministarstva unutrašnjih poslova Kantona Sarajevo i Uprave policije Ministarstva unutrašnjih poslova Kantona Sarajevo, rješeno je kao u dispozitivu.



Pouka o pravnom lijeku: Protiv ovog rješenja može se izjaviti žalba Odboru državne službe za žalbe Federacije Bosne i Hercegovine, u roku od 15 (petnaest) dana od dana prijema ovog rješenja, putem ovog Ministarstva.



DOSTAVITI:

1. Imenovanoj
2. U dosje
3. Kabinetu ministra
4. Sektoru računovodstva
5. Sektoru za građanska stanja Ilijaš/Srednje
6. Ministarstvu finansija – Sektor trezora
7. FZ PIO
8. Web stranica MUP-a KS
9. a/a